



عارفة



بحمد ربنا

انك مش عارفه قوه تأثيرك

واني راهب جوي ديرك

وانك الماضي اللي فات

وانك كل البنات

زي اي مسلمات

فشلت في تغييرك

عارفه

اخر يوم قبل البعاد

قبل ما بياض عيونك يقلب سواد

لما كنتي ماشيه جنبي

وضلك مخاصم ضلي

وقفت اشوف انا ايه فاضلي



لَقِيتَ نَصَّ قَلْبٍ

قَوْلَتِي لِي جِثَّ سَاعِهِ غُرُوبِي

كَانِي زَنْبٍ وَقَرَّرْتِي حَالًا أَنْكَ تَتُوبِي

بَعْدَهَا دُورَتِ أَنَا فِي جِيُوبِي

مَلَقْتَنِي إِلَّا حُبَّ

فَاكْرَه

وَاحِنَا عَلَيَّ نَاصِيَهُ دَنِيَّتِكَ

قَبْلَ مَا نُوَصِّلُ حَتَّتَكَ

دُورِي كَدَّةً فِي شَنْطَتِكَ

يُمْكِنُ تَلَاقي نَصِّ قَلْبٍ

يُمْكِنُ يَكُونُ وَقَعٌ فِي أَيْدِكَ

وَأَنْتِي جَنْبِي وَاقِفُهُ



كانت عنكي ملايانه دموع

كنتي مش شايفه

عارفه

انا وانتي جران

في شارع الصدفة

الناس بتجري ورا الرغيف

وانا الوحيد واقف جنب بيتك

علي الرصيف

مصمم اشوفك صدفة

بختلق اعزار واخترع افكار

كنت بشوفها زمان تافهه

جنبي قط بردان نايم جنب نار

في الشارع الغرقان عشان يدفه



صدفه

تكوني داخله تكوني خارجه

حد يقلك اهو اسمه ايه

الناس حفظوني بس اتكسفو

يسالوني واقف ليه

وساعتها عارف انا هعمل ايه

هعمل متفاجا واقول

معقول ياه ع الصدف الرهيبه

بس الغريبه انك مبتظهريش

وكانك عارفه اني مستنيكي فمبتجيش

حتي شباكك مبتفتحيش

وهو اللي حصل مني

يستاهل ان حتي في بيتك متبتيش



عارف

ان البعد كان قرارى

بدلت حلوتك مرارى

سبت فردوسك لنارى

كان جنان

انا اللي كنت عايش بصونك

ولا فكرت في يوم اخونك

بس هي ايه في قانونك

عقوبه الغلطان

شرع الناس ميعترفش بالتوبه

ولا عشان ندمان بيبقي مفيش عقوبه

بالنسبالك خلاص حقاك

خدهولك برد طوبه



بس عارفه

كدة كتير

بصراحه انتي مزوداها

قلبي لما تحبي تبعديه تقومي ترميه

مسافه مش عارفه مداها

رمتيه وقع بين دجله والفرات

وطلعتة شهادة مفقود في نوفمبر اللي فات

ومن ساعتها انقطعت اخباره ناس تقول عايش

وناس تقول مات

واسمع عليه كلام كتير اشاعات

عارفه

ليه الغريب



اللي بيعرف حكايتنا

فجاة بيقلب طيب

بيجيب عليا الزنب وبسهوله يلوم

بيزود عليا الحمل وانا مش ناقص هموم

يقولي بسهوله كدة تقع في الفخ بسوله تحب

بقله سمعتو عن كهربه المخ جربتو كهربه القلب

عن كهربه المخ جربتو كهربه القلب

عارفه انا ايه

انا اللي واقف في مظاهره وبيطالب بحقوق مش

ليه

انا اللي نفسه ينسي ملامحك وماسك صورتك

في ايديه



انا اللي عارف مصدر تعبته و بيهرب منه
فيجري عليه

انا تلميذ رافعلك ايدة عشان يسألك من بره
المنهج ليه نستيه

شفتي وصلتين لايه ..تاريخك افكرك بيه
..اقلك ايه ولا ايه

فاكر قصصك مع الغيره

غيرتك من خدمه عمله لو ردت بنت

لو عدي قدامي خيال علي هيا ست

غيرتك لو سبتيني في يوم و سافرتي

غيرتك من عفت مديرتي

واقلك دي ست كبيره

تقليلي كبيره بس مديره وانت يوسف



بنسخته الشريره

عارفه انا ايه

انا حبك انا وطنك

بتعني في سلامي لك حبي وفؤادي

أجراس بج بن بتضرب على معادي

انتي تندهي باسمي وفيروز تقول شادي

انا قائد رتبتي عاشق منزلش لمستوى العادي

مين يتجرا ويشيل شمعي الاحمر من علي باب

قلبك ويفض اختامي

دة ولا في احلامك اللي كنتي بتحلموها زمان ايام

ما كنتي بتنامي

ولو عملتي ايه

حتي لو مسلتي انك نستيني

وانك ندمانه علي سنييني



وتتعصبي لو جت سيرتي

وقدامه تقطعي صورتني

وملامحك بترسم غل

قوليلي انهي سجل

يقول انك مش ليه

ويكتبلك اسم غير اسمي في بطاقةه عائليه

فكرتي لو سالك عن حياتك قبله هتردي بايه

دة لحد النهاردة في الكافيه

بيقدمولي اتنين منيو

سمعتي عن ناس تاجرو بمشاعرهم



وجالهم يوم غنيو

الكافيه

باخذ نفس مكاني فيه

ومكانك لسه برفانك عليه

تأثيره عليا مش عادي

هنا اتولد فيلوباتير

وعرفنا نتيجه في اعدادي

ويسالوني الانسه فين؟

بقول في الشغل

و بطلب اي حاجه ٨٠ % كحول